



Ajuntament de Vielha e Mijaran

En Vielha a 29 de març de 2016

AMASSADI

D'ua part Juan Antonio Serrano Iglesias, Alcalde der Ajuntament de Vielha e Mijaran, assistit pera Secretària dera Corporacion.

Der auta Dolors Berdie Peguera damb DNI numerò ena sua condicion de directora tècnica deth Talhèr Ocupacionau ADDA, entitat depenenta dera ASSOCIACION DISCAPACITATS D'ARAN (G-25454604).

MANIFESTEN:

1ÈR: Qu'existís ena Val d'Aran Eth Talhèr Ocupacionau ADDA, un sevici e establiment depenent dera Associacion Discapacitats d'Aran, legaument constituïda, ubicat ena localitat de Vielha, en Poligon Industriau Incasòl, Nau 13, número 25.

Eth Talhèr Ocupacionau ADDA ei era alternatiua ara integracion laborau d'aqueres persones damb discapacitat que non pòden incorporar-se en sistèma ordinari de trebalh ne en un centre especiau de trebalh. Era finalitat principau d'un centre ocupacionau ei era integraciòn sociau des persones as qu'atén per miei dera Teràpia Ocupacionau, damb activitats d'ajustament personau e sociau e activitats d'ocupacion terapèutica.

Eth Talhèr Ocupacionau ADDA ei un centre qu'auferís dus servicis as sòns usatgèrs: **SERVICI DE TERÀPIA OCUPACIONAU (STO)** e **SERVICI OCUPACIONAU D'INSERCIÒN (SOI)**.

2AU: Qu'ei voluntat der Ajuntament de Vielha e Mijaran balhar supòrt econòmic as actiuetats qu'eth Talhèr Ocupacionau ADDA programe pendent er an, talhers, actes culturaus, actiuetats de léser, gessudes, activitats esportives, musicaus, actiuetats de rehabilitacion, participacion en campionats esportius, participacion en amassades damb d'auti centres, eca, pr'amor dera sua finalitat non lucratiua e de voluntat de sevici e assisténcia as persones damb bèra discapacitat dera Val d'Aran.

3AU.- Er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per Acòrd deth Plen deth dia 26 de seteme de 2007 e per Acòrd deth Plen deth 22 de seteme de 2014.

Aguesta Ordenança establis en sòn article 10 qu'es subvencions poderàn autrejarse directament en quauqui cas, entre es quaus se trapen aqueri enes que s'acrediten arrasons d'interès public e sociau.

4AU.- Era Ordenança Municipau tanben establis que normaument era concessiòn directa se formalizarà en un convèni.

Peth tot çò, convien eth present convèni e ar efecte establissen es següents:

PACTES:



Ajuntament de Vielha e Mijaran

PRUMÈR: Er objecte deth present convèni ei era collaboraci3n entre er Ajuntament de Vielha e Mijaran e eth TALHÈR OCUPACIONAU ADDA (ASSOCIACION DISCAPACITATS D'ARAN), ena realizacion de diuerses actiuetats pendent er an damb es persones discapacitades deth Municipi de Vielha e Mijaran, usuatgèrs deth Talhèr Ocupacionau ADDA.

DUSAU: Qu'en marc d'aguesta collaboracion er Ajuntament de Vielha e Mijaran collaborarà damb aquesta associacion damb ua subvencion annau pera quantitat de 1.300 èuros, danb càrrec ara partida pressupostària num. 2016-1-23100-480007-01.

TRESAU.- Eth Talhèr Ocupacionau ADDA serà era responsable de tota era programacion e organizacion des activitats entàs quaus s'autreje aquesta subvencion destinada as usatgèrs deth talhèr ocupacionau ADDA.

QUATAU.- Eth Talhèr Ocupacionau ADDA, justificarà ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents, per un valor, coma mínim, deth doble dera quantitat dera subvencion, entà dar compliment a çò mercat en article 8 dera ordenança municipau de subvencions.

CINCAU: En toti es impresi e òposcles que s'editen damb referència ad aquestes activitats se harà constar ar Ajuntament de Vielha e Mijaran coma collaborador.

SIESAU: Eth present convèni aurà ua vigència d'un an, e totes dues parts poiran acordar pendent era vigència deth convèni era sua pròrroga entà fotures annualitats.

E en pròva de conformitat, ambdues parts signen eth present convèni per duplicat e a un solet efecte, e en lòc e data nomentadi.

JUAN ANTONIO SERRANO IGLESIAS

DOLORS BERDIE PEGUERA

Alcalde

Directora Técnica Talhèr Aucapacionau ADDA

Ath deuant men

PILAR HERVADA VIDAL

Secretària der Ajuntament